

VI. ANUNCIOS**A) ADMINISTRACIÓN AUTONÓMICA****AXENCIA GALEGA DE INFRAESTRUTURAS**

ANUNCIO do 4 de abril de 2017 polo que se somete ao trámite de información pública o proxecto de construción do itinerario peonil e ciclista na AC-174, treito Montrove-As Pedreiras (punto quilométrico 2+440-3+600), e na AC-190, treito O Carballo-As Pedreiras (punto quilométrico 0+200-0+620), de clave AC/16/092.06, así como a relación individual de bens, dereitos e propietarios afectados polo proxecto referenciado.

Antecedentes:

A Lei 8/2013 de estradas de Galicia, determina no seu artigo 6.2 que os espazos destinados a sendas para peóns ou para a circulación de ciclistas, teñan a consideración de elementos funcionais da estrada. Tendo en conta este precepto, a Xunta de Galicia elaborou a «Estratexia en materia de mobilidade alternativa de Galicia». Os obxectivos da dita estratexia son o desenvolvemento duns sistemas de transporte alternativos que reduzan ao mínimo as repercusións sobre o medio ambiente, e os seus impactos sociais e económicos.

Os beneficios esperados co fomento desta mobilidade alternativa son, entre outros, o emprego de modos de transporte non motorizados, a mellora da mobilidade, da calidade do aire, da saúde, da igualdade e benestar, da economía, do patrimonio e do urbanismo.

Con data do 7 de marzo de 2016 a Axencia Galega de Infraestruturas aprobou, con base na «Estratexia en materia de mobilidade alternativa de Galicia», o documento de «Fomento da mobilidade sostible: sendas peonís e/ou ciclistas na comarca da Coruña», onde unha das sendas propostas é un itinerario peonil e ciclista na AC-174, que agora estase a desenvolver mediante o proxecto construtivo: «Itinerario peonil e ciclista na AC-174, treito: Montrove-As Pedreiras (p.q. 2+440-3+600), e na AC-190, treito: O Carballo-As Pedreiras (p.q. 0+200-0+620)», de clave: AC/16/092.06.

Doutra banda, por resolución da Axencia Galega de Infraestruturas do 3 de abril de 2017 aprobouse provisionalmente o proxecto de construción: «Itinerario peonil e ciclista na AC-174, treito: Montrove-As Pedreiras (p.q. 2+440-3+600), e na AC-190, treito: O Carballo-As Pedreiras (p.q. 0+200-0+620)», de clave: AC/16/092.06.



Este proxecto ten por obxecto a creación dunha senda peonil en dous treitos no concello de Oleiros:

– AC-174: treito Montrove-As Pedreiras p.q. 2+440 a p.q. 3+600.

O itinerario estará conformado, en xeral, por unha senda de 2 metros de anchura e unha lonxitude total de aproximadamente 1.160 m, separada da estrada mediante un separador verde de 50 cm de ancho mínimo e un bordo de formigón. Esta senda executarase en formigón coloreado, pola marxe esquerda da estrada AC-174.

– AC-190: treito O Carballo-As Pedreiras p.q. 0+200 a p.q. 0+620.

Ao igual que no caso anterior, o itinerario estará conformado, en xeral, por unha senda de 2 metros de anchura e unha lonxitude aproximada de 1.580 m; separada da estrada mediante un separador verde de 50 cm de ancho mínimo e un bordo de formigón. Neste caso, ao executarse a senda nunha zona na que se atravesa solo rústico de protección forestal (marxe dereita da estrada AC-190), a senda constituirase en solo estabilizado.

Considerando todo o exposto e o establecido na normativa vixente,

RESOLVO:

Primeiro. De acordo co establecido no artigo 21.1 da Lei 8/2013, do 28 de xuño, de estradas de Galicia, o proxecto de construción sométese ao trámite de información pública, durante un período de trinta días hábiles, contados a partir do seguinte ao da publicación deste anuncio no *Diario Oficial de Galicia*, para que as persoas que o consideren oportuno poidan formular por escrito, ante a Axencia Galega de Infraestruturas, as observacións que crean convenientes relativas á concepción global do trazado deseñado.

Segundo. Que simultaneamente ao trámite sinalado no parágrafo anterior, e para os efectos previstos no artigo 56.1 do Regulamento de expropiación forzosa, se someta a información pública a relación individual de bens, dereitos e propietarios afectados pola realización da obra correspondente, para que os afectados presenten cantas alegacións ou rectificacións consideren convenientes en canto aos bens e dereitos descritos na relación anexa.



Terceiro. A exposición ao público, para os efectos da presente resolución, realízase na Axencia Galega de Infraestruturas (San Caetano, s/n, 15781 Santiago de Compostela), no Servizo de Infraestruturas da Coruña (r/ Vicente Ferrer, 2, 15008 A Coruña) e na Casa do Concello de Oleiros (praza de Galicia, núm. 1, Oleiros, A Coruña). Así mesmo, na páxina web da Consellería de Infraestruturas e Vivenda:

(http://civ.xunta.gal/seccion-organizacion/c/CIV_Axencia_Galega_de_Infraestruturas), atópase a disposición dos interesados o documento completo do proxecto de construción.

Santiago de Compostela, 4 de abril de 2017

Francisco Menéndez Iglesias
Director da Axencia Galega de Infraestruturas

CVE-DOG: pd2dl5h9-naa5-fsx6-j267-2bpsh6gic2





ANEXO
Relación de bens, dereitos e propietarios afectados

Proxecto de construción: itinerario peonil e ciclista na AC-174 treito: Montrove-As Pedreiras (p.q. 2+440-3+600), e na AC-190 treito: O Carballo-As Pedreiras (p.q. 0+200-0+620). Clave: AC/16/092.06

Concello de Oleiros na AC-174.

Nº orde	Ref. catastral	Polígono masa	Parcela	Titular	Sup. catas. (m²)	Superficie afectada (m²)			Tipo de terreo			Elemen. valorables
						Ocup. def.	Ocup. temp.	Total	Segundo planeam.	Segundo catastro	Segundo Lei do solo	Tipo
1	15059A01600400	16	400	Costoya Barreiro, Lino	9.256	46	203	248	Espazo reservado para viario	Rústico	Urbanizado	Muro de peche, porta de acceso, acometidas de gas e electricidade e arbustos
6	15059A01600513	16	513	En investig. art. 47 de Lei 33/2003	3.055	46	38	84	Urbanizable	Rústico	Rural	

